



**Broj: T18 0 KT 0010868 16**

**Brčko, 28. novembar 2018. godina**

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, p o d i ž e m:

## О П Т У Ж Н И Ц У

**Protiv:**

**M.S. ...**

**Što je:**

Početak mjeseca decembra 2008. godine, u Brčkom, zajedno i po prethodnom dogovoru sa P.M. i B.N., u namjeri da za sebe, zajedno pribave protivpravnu imovinsku korist, sastao se sa M.L. u parku kod benzinske pumpe u blizini ekonomske škole, a kom sastanku je prisustvovao njegov brat M.S., P.M. i nepoznato lice koje se predstavilo kao Mali, te svjestan da lice B.D. ne postoji, da nije uposlenik BBI banke u Sarajevu, kao i da nije u mogućnosti obezbijediti nikome kreditna sredstva, M.L. lažno prikazali činjenicu da licu M.T., koji je L. dugovao novac u iznosu od 20.000,00 KM, mogu posredstvom njima poznatog vlasnika banke u Sarajevu, B.D., a koji je zapravo u stvarnosti B.N., obezbijediti hipotekarni kredit i tako L. namiriti svoje potraživanje, u što je L. povjerovao, pa su tako L. naveli da im za izvršenu uslugu preda 4.000,00 KM, nakon čega je L. 11. decembra 2008. godine M.S., koji mu se predstavio sa nadimkom "Hule" predao 500,00 Eura, a potom 15. decembra novac u iznosu od 1.600,00 KM na ime navodnog novčanog depozita i plaćanja usluga sudskog izvršitelja G.Z. i dana 26. decembra 2008. godine novčani iznos od 2.000,00 KM, dok su u narednom periodu sve do 03. decembra 2010. godine sa M.L. kontaktirali P.M., nepoznato lice G.Z., navodno sudski izvršitelj i B.N. koji se i dalje predstavljao kao B.D., te ga time održavali u zabludi glede obezbjeđenja kredita i povrata novca i naveli da im dodatno preda 36.100,00 KM, a kojim radnjama su doveli u zabludu M.L., dok hipotekarni kredit nikada nisu obezbijedili, niti mu novčana sredstva vratili, čime je M. S. za sebe pribavio protivpravnu imovinsku korist u iznosu od 3.600,00 KM i 500 Eura za koji iznos je oštetio M.L.,

dakle, kao saizvršilac, s ciljem da sebi pribavi protivpravnu imovinsku korist doveo drugoga lažnim prikazivanjem činjenica u zabludu i održavao ga u zabludi i time ga naveo da na štetu svoje imovine nešto učini,

čime je počinio krivično djelo – Prevara – iz člana 288. stav (1) u vezi sa članom 31. Krivičnog zakona Brčko distrikta BiH.

\*\*\*

---

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica

---